

**Mašinski fakultet Univerziteta u Zenici,  
Fakultetska br 1, 72 000 Zenica, Bosna i Hercegovina  
koga zastupa Dekan – v.prof.dr.sc. Ibrahim Plančić**

i

**Fakultet inženjerskih nauka Univerziteta u Kragujevcu  
Ul. Sestre Janjić br. 6, 34 000 Kragujevac, Republika Srbija  
koga zastupa Dekan - prof.dr.sc. Slobodan Savić**

sklopili su slijedeći:

## **OKVIRNI SPORAZUM O SARADNJI**

Mašinski fakultet Univerziteta u Zenici (u daljem tekstu: Mašinski fakultet u Zenici) i Fakultet inženjerskih nauka Univerziteta u Kragujevcu (u daljem tekstu: Fakultet inženjerskih nauka u Kragujevcu) sklapaju ovaj Okvirni sporazum o saradnji u znak izražavanja njihovih zajedničkih interesa u razvoju bilateralnih odnosa, a u smislu obogaćivanja područja visokoobrazovnog djelovanja, naučno-istraživačkih mogućnosti, te stručnog djelovanja, kao i drugih općih pitanja koje se odnose na oblast tehničkih nauka iz područja mašinstva.

### **Član 1.**

Ovim Okvirnim sporazumom ugovorne strane uređuju međusobnu saradnju Mašinskog fakulteta u Zenici i Fakulteta inženjerskih nauka u Kragujevcu na područjima:

- međunarodne mobilnosti u okviru europskog programa razmjene za visokoobrazovne studije, kao i druge programe mobilnosti u kojima sudjeluju obje strane,
- izvođenje nastave na studijskim programima i programima cjeloživotnog obrazovanja,
- razmjena iskustava u metodama nastave,
- zajedničkog objavljivanja radova u naučno-stručnim časopisima, indeksiranim u naučnim bazama podataka, zbornicima naučno-stručnih skupova, te ostalim oblicima publikacija,
- razmjena i objavljivanje naučnih rezultata u definisanim područjima,
- razmjena publikacija, knjiga i učešće u komunikacijskim mrežama,
- izrada novih i razmjena postojećih nastavnih i naučno-stručnih materijala (udžbenika, skripti, izvadaka doktorskih ili master teza, i sl.),
- saradnja na organizaciji i učešću u naučno-stručnim skupovima, seminarima, simpozijima, raznim oblicima predavanja iz visokoobrazovnog, naučno-istraživačkog ili stručnog domena,
- priprema i provođenje bilateralnih i EU projekata, projekata istraživanja i razvoja,
- izrada elaborata, tehničkih izvještaja, izvođenje mjerenja i analiza i slično,
- stvaranje uslova za mobilnost i razmjenu akademskog osoblja, nastavnika, saradnika, te studenata u cilju nastavne, naučno-istraživačke, stručne ili laboratorijske saradnje,
- međulaboratorijska saradnja oba fakulteta u oblastima srodnim radu pojedinih laboratorija,
- organizovanje stručne prakse studenata,
- učešće u zajedničkim sportskim aktivnostima zaposlenika i studenata.

### Član 2.

Ugovorne strane će na osnovu ovog Okvirnog sporazuma sačiniti kratkoročne i dugoročne Planove i programe saradnje, a realizaciju dogovorenih programa utvrditi pojedinačnim ugovorima za provedbu svake pojedine aktivnosti.

U realizaciji pojedinih zajedničkih aktivnosti prihvatni fakultet će osigurati akademskom osoblju i studentima potrebne uslove za obrazovanje, istraživanje ili druge oblike predmetne saradnje.

Ovaj Okvirni sporazum ne povlači za sobom finansijske obaveze ugovornih strana, nego se finansijski elementi saradnje dogovorno reguliraju članovima posebnih ugovora za pojedine aktivnosti iz domena saradnje.

Za provedbu svakog pojedinog programa svaka strana će imenovati svoje predstavnike.

### Član 3.

Bilo koji član Okvirnog sporazuma se može nadopuniti ili opozvati nakon konsultacija i pisanog pristanka obje ugovorne strane.

Ovaj Okvirni sporazum može biti proširen sa drugim oblastima i načinima saradnje dvije ugovorne strane, a takvo proširenje se vrši putem aneksa Okvirnog sporazuma.

### Član 4.

Predmetni Okvirni sporazum stupa na snagu danom potpisivanja sa obje strane, a zaključuje se na vrijeme od 4 (četiri) godine, te se automatski produžava ukoliko jedna od ugovornih strana ne podnese, u pisanoj formi, zahtjev za prekidom Okvirnog sporazuma najmanje 2 (dva) mjeseca prije njegovog isteka.

Ugovorne strane su obavezne primjenjivati ovaj Okvirni sporazum u dobroj namjeri i razumijevanju.

### Član 5.

Ovaj Okvirni sporazum ima 2 (dvije) stranice, izrađen je u 4 (četiri) jednaka primjerka, za svaku ugovornu stranu po 2 (dva) primjerka.

### Član 6.

Ugovorne strane su saglasne s tekstom ovog Okvirnog sporazuma, te u skladu sa pozitivnom praksom akademske saradnje i principa obostranog razumijevanja predstavnici ugovornih strana u znak prihvatanja isti potpisuju.

**Fakultet inženjerskih nauka  
Univerziteta u Kragujevcu**

**Mašinski fakultet  
Univerziteta u Zenici**

*Dekan*

*Dekan*

---

*prof.dr.sc. Slobodan Savić*

---

*v.prof.dr.sc. Ibrahim Plančić*

*Broj:  
Datum:*

*Broj:  
Datum:*